

24 JUL 2002

LAWATAN PM:JALAN UTAMA BANDAR SENAI DITUTUP KEPADA LALULINTAS

JOHOR BA HARU, 24 Julai (Bernama) -- Jalan utama di bandar Senai, dekat sini, akan ditutup kepada semua lalulintas mulai pukul 4 petang hingga 6.30 petang esok, sempena lawatan Perdana Menteri Datuk Seri Dr Mahathir Mohamad yang akan merasmikan bangunan Jemaah Malabar Muslim Negeri Johor di sini.

Ketua Cawangan Johor Baharu Utara, C/Insp Nazari Manan hari ini berkata mereka yang menuju ke Johor Baharu atau Skudai dari Kulai, dinasihatkan menggunakan Jalan Seelong-Maju Jaya-Kempas.

Selain itu, mereka juga boleh menggunakan Jalan Link Kedua menuju ke Johor Baharu, katanya dalam satu kenyataan akhbar di sini.

Nazari berkata penduduk bandar Senai yang ingin pulang ke rumah pula dinasihatkan menggunakan jalan susur dari utara dengan memasuki Taman Senai Utama dan keluar di Simpang Empat Bandar Senai.

Bagi kenderaan yang menuju ke Lapangan Terbang Antarabangsa Sultan Ismail, Senai dan ke utara dari arah Johor Baharu atau sebaliknya, disaran menggunakan Lebuhraya Utara-Selatan dan memasuki simpang Link Kedua atau Tol Senai Utara, kata kenyataan itu.

-- BERNAMA

BH LAT